

Alice we dibe nav warên bi mucîze

» RÛPEL 9



Çand

Kanser sedema zû mirinê ye

» RÛPEL 8



Tendûristî

Versiyona çapkîrî ya HAWAR NET.comê / Çapa Dîjîtal / 27.03.2010

Hejmara 7

Rojnameya Kurdî a serbixwe

hawarnet.com / hawar.hk-mg.net/PESKETIN

agahi@hawarnet.com

Pêşketin



Îsraîl dixwaze hevdîtinên aştiyê ji nû ve destpêbikin

Îsraîl di meseleya Qudîsê de paşve gav navêje. rûpel 6

Divê rexistinên kurd hember terora Îranê bikevin tevgerên

Zîniyeta ku Qazî Muhhamed îdam kir niha ji neviyên wî îdam dike... rûpel 2

Li Fransayê çepgir serê Sarkozyê diêşînin » r.2

Li şûna bersuc, ji mexdûr C.E. 30 sal ceza tê xwestin » r.2

Belçika dev ji çewtiyê berda; Aydar û Kartal serbest in » r.2

Ji ber skandalên seksê dêr vala bûn... »r.2

Destê ku veqete dikare ji nû ve derkeve! rûpela 09

Cîhan bi mîlyonan Kurdên li qadan nedît!



Amed di Newroza xwe de ji hemû cîhanê re got; Hesabên şaş nekin» r.3

- Serokê PJAK'ê jî hate girtin.
- Kurd bi hêrseke mezin bêdeletiya Ewrûpayê şermezar dikan..

Amed (Pêşketin): Li bakûrê Kurdistanê li gel hemû astengiyên dewleta Tirk Kurdistanî bi çêseke mezin cejna neteweyî ya Kurdan Newrozê hate pîroz kirin. Li hemû Kurdistanê jî her sal zêdetir beşdariya gel çêbû. Ji roja 17ê heta 21ê zêdetirê 4 mîlyon Kurd li qadan bi avayekî girseyî bi rengê neteweyî Newrozê pîroz kirin. Li Diyarbekirê nêzî 1,5 mîlyon kes hatin cem hev û tu bûyer jî neqewimî. Organîzasyonake ewqas mezin jî aliyê raya giştî ya cîhanê ve nehate ditin. Di medyaya cîhanê de di çend weşanan de bi avayekî bir kurt behsa Newroza li Amedê û bi giştî li Kurdistanê hate kirin. Nûçeyên ku derketi bûn jî tev agahiyên şaş hatibû dayin û hejmar wek 100 hezar hatibû nişandan. Dewama nûçe di rûpela 3'an de



Newroz bi çêseke mezin hate pîroz kirin . 3

Obama serkeftina xwe ya pêşî bi dest xist » r.6

GOTAR

Li ser Yekîtiya Tevgera Kurd

OSMAN SILVANÎ R5

TENDURISTÎ

Jin ji rexneyan û jibîrbûnê hez nakin R8

ÇAND

Pirtûka Arjen Arî 'Bihoka pişt sinor' derket R8

ZANIST

Pevçûna jin û mêr mirov nexweş dike... R8

Naveroka Din

- » Gotar r.5-6
- » Zanist r.8
- » Aktuel r.10
- » Çand r.8

Terorîzekirdina reprodûkt, resîvîlîzasyon û repolîtîze kirina civaka Kurd

AZAD BIŞENG » r.5

Ger dewleta Tirk serbest kirina zîmanê Kurdî de ji dil be divê berê gavên din bavêje

SERHAD B. RÊNAS » r.4

Dewleta kurdî di peymanên nêvdewletî da

B.S.SILÊVANEYÎ » r.4

Weşanên HKMG:

HAWAR NET hawarnet.com
 MUZIKKURD muzikkurd.com
 SINEMAKURD sinemakurd.com
 ZANISTUTEKNOLOJÎ zanistuteknoloji.com
 KURDO kuro.me | JINANE jine.hk-mg.net
 ABORINAS aborinas.hk-mg.net
 HEMO: www.hk-mg.net

Cîhan bi mîlyonan Kurdên li qadan nedît!...

Li Ewrûpayê meşeke normal di BBC an jî CNN de dibe manşet. Lê 4,5 mîlyon Kurd nehate ditin.

D.BEKÎR (Pêşketin)

Li bakûrê Kurdistanê li gel hemû astengiyên dewleta Tirk Kurdistanî bi çêşeke mezin cejna neteweyî ya Kurdan Newrozê hate piroz kirin. Li hemû Kurdistanê jî her sal zêdeitr beşdariya gel çêbû. Ji roja 17ê heta 21ê zêdetirê 4 mîlyon Kurd li qadan bi avayeki girseyî bi rengê neteweyî Newrozê piroz kirin.

Li Diyarbekirê nêzi 1,5 mîlyon kes hatin cem hev û tu bûyer ji neqewimî. Organîzasyonake ewqas mezin ji aliyê raya giştî ya cihanê ve nehate ditin. Di medyaya cihanê de di çend weşanan de bi avayeki bir kurt behsa Newroza li Amedê û bi giştî li Kurdistanê hate kirin. Nûçeyên ku derketi bûn ji tev agahiyên şaş hatibû dayin û hejmar wek 100 hezar hatibû nişandan. Di medyaya cihanê de çalakîyên ku 50 hezar kes tîcîm hev jî manşetan tê dayin, teqîneke biçûk



Li Ewrûpayê meşeke normal di BBC an jî CNN de dibe manşet. Lê 4,5 mîlyon Kurd nehate ditin. Kurd Newrozê wek cejneke neteweyî piroz dîkin.

an jî ketina balafireke di hemû weşanan de cih digre. Li Ewrûpayê meşeke normal di BBC an jî CNN de dibe manşet. Lê 4,5 mîlyon Kurd nehate ditin. Kurd Newrozê wek cejneke neteweyî piroz dîkin. 4,5 mîlyon Kurd di welateke hatiye dagir kirin de derketin qadan û daxwazên xwe yê rewa qiriyên. Lê raya giştî û medyaya cihanê çalakiyeke wisa wek bûyereke jî rêze dit. hewlweta medyaya Tirkî jixwe diyar e û tê fam kirin, jixwe diji hebûn û bihez bûna kurdan in.

Lê vê helwesta medyaya cihanê nişan dide helwesta wan ên hember Kurdan ne kêmî dagirkerên Kurdistanê ne. Helbet di vê rewşê de berpirsyariya Kurdan jî heye. Organîzatorên Newrozê divê careke din bifikirin ku gelo çima raya giştî de Newroz deng veneda. Kêmasî çine ^:u çawa di Newrozên de Kurd dikarin bala medyaya cihanê bikşînin. HAWAR NET.com

Li gellek cihan çosa Newrozê

Di serî de û di nava rewşeke aram de, li Hewlêra paytext bi beşdariya xelkê, rayedarên û nûnerên gelek welatên biyaniyê agirê Newrozê li parka Şaneder hat hilkirin û ahenga sersala Kurdi û Newrozê dest pê kir. Herwiha Silêmaniyê û navçeyên girêdayê wî jî agirê Newrozê hilkirin, herwiha li Duhokê jî bi

beşdariya çend peraşotvanên Norwêjî ev cejin hat piroz kirin. Li bajarê kerkûkê jî bi xweşiyek mezin ve sersala Kurdan hat biranin. Li Stenbolê, di pirozbahiya newrozê de ya ku ji aliyê Platforma Çareseriya Demokratîk a ji bo Aştiyê hatiye organîzekirin de, di diroka Stenbolê de cara pêşin e ku bi sed hezaran kes li qada Kazlıçeşmeyê dibêjin bîji Ocalan. Di pirozbahiya Newrozê de ku li qada Kazlıçeşmeyê ya Zeytinbûrniyê tê piroz kirin de zêdeyî 500 hezar kes beşdar dibin. Kurdistanîyên koçmal beşdarî vê şahiyê dibin, şahê werdigerînin şahiya girêdana bi Ocalan re. Li ser wan platformên mezin nivîsên

bi turki, kurdi û bi erebî yê wek Newroza we piroz be, bi can bi xwin em bi te re ne ey serok û bi sedan posterên Rêberê gelê Kurd Ocalan, PKK, KCK û HPG hebûn. Di pirozbahiyan de parlamenterên BDPê Sebehat Tuncel, Ufuk Uras ên Stenbolê, Hevseroka BDP Gultan Kişanak û serokê KESKê Samî Evren beşdar bûn. Di dema ku agirê newrozê jî aliyê parlamenterên BDP Ufuk Uras û Sebehat Tuncel ve hate pêxistin, zarokên bi kincên xwe yê neteweyî bal kişandin.. DERBARÊ MIJARÊ DE ZÊDETR NÛÇE DI www.hawarnet.com DE



Amed di Newroza xwe de ji hemû cîhanê re got; Hesabên şaş nekin

Diyarbekir ku her sal dibe paytexta Newrozê îro pêşwazîya Newroza dirokî û herî mezin kir

Cara yekem tevli bûna xelk mîlyoneke derbas kir.

Diyarbekir ku her sal dibe paytexta Newrozê îro pêşwazîya Newroza dirokî û herî mezin kir. Amed bi helwesta xwe isal listik û hesabên ser gelê Kurd bersivê tund da.

Her wiha îro di gelek bajarên din ên Kurdistanê de jî pirozbahiya Newrozê hatin pêkanin.

Amed got; "ez li vir im"

Ji serê sibê ve bi sed hezaran kesên ku ji 4 aliyên bajêr ketin rê, ber bi qada Newrozê ve herikin. Bi hezaran kes jî bili wesaitên ku ji aliyê Komîteya Amadekar a Newrozê ve hatin amadekirin, bi derfetên xwe bi motorsiklêt, kamyonetan berê xwe dan qada Newrozê.

Ji saetên bibehê ve bi organîzasyona Komîteya Amadekar jî gelek noqteyên bajêr bi otobûsên şaredariyê welatî diçin qada Newrozê. Bi 10 hezaran kes bi meşê çûn qadê.

Welatîyên ku alên BDPê filamayên kesk, sor û zer rakirin, bi cilên xwe yê neteweyî balê kişandin.

Di pirozbahiya Newrozê ya Diyarbekirê de Ciwan Haco, Serhado, Bulent Turan û Ferhat Tunç konserê dan. Di pirozbahiya Amedê de bi tevî silkulasyona girseyî ku çûyin û hatin her dewam dikir nêzi mîlyonek û 400 hezar kes başdar bûn.

Leyla Zana û serokê şaredariya Amedê Osman Baydemir, Ahmet Turk, Hevseroka KCD, berdevka komên aştîyê di pirozbahiya Newroza Amedê de axivin.

Berî pirozbahiya, Şaredarê Bajêrê Mezin ê Diyarbekirê Osman Baydemir axivî û got, "Careke di zelal bû ku heram e ku kurd çekan bera tirkan, tirk çekan bera kurdan bidin. Êdi dem hatiye ku em qurnefilan bidine destê hev. Wext e, ku dayikên kurd û tirk hev hembêz bikin. Gelek wext çû, şerm e, guneh e." Newroza Amedê ku bi mîlyonan kes anin cem hev, isal malovaniya gelek mêvanên biyaniyê jî kir.. Ji bo dewama nûçeyê HAWAR NET.com

Wêneyên şehîdan hatin daliqandin

Wer wiha jî Navçeya Bismilê jî bi boneya beşdarî Newroza Amedê bibin bi sedan kes li trêne siwar bûn û berê xwe dan Amedê. Bi sedan wesaitên ku ber bi qada Newrozê ve diherikin, ji niha de Riya Rihayê li trafikê xetimandin. Qada Newrozê jî niha de bi deh hezaran tiji bû. Li pêşiya dika Newrozê posterên Ceylan Onkol, Aydin Erdem, Ebu Muslum Dogan, Aram Tigran, siyasetmedarên kurd Cihan Deniz û Husnu Ablay ên mezin hatin daliqandin.

Gelê Kurd li çar aliyên Kurdistanê ji bo Newrozê rabûn



AMED (Pêşketin)

Kurdistan isal Newrozê bi avayê herî girseyî piroz kir. Dewletên dagirker tehemmuli li çosa mezin gel nekirin û dewleta dagirker a Sûriye li Reqqayê 2 Kurd qetl kir. Li bakûrê Kurdistanê li gel hemû astengiyên dewleta Tirk Kurdistanî bi çêşeke mezin cejna

neteweyî ya Kurdan Newrozê hate piroz kirin. Doh jî bo Amed û ji bo hemû kurdan rojeke dirokî bû. Cara yekem tevli bûna xelk mîlyoneke derbas kir. Ji xeynî Amedê jî li bajarên din jî newroz bi avayeki pir xûr hate piroz kirin. Li gelek bajar û navçeyên

bakûrê kurdistanê û li Tirkîye çalakiyên newrozê dewam kirin. Li rojhilata kurdistanê jî cejna Newrozê hat piroz kirin. Li Kurdîstana azad jî Newroz isal bi avayê seyrane hate piroz kirin. HAWAR NET.com

Herêma Botan li qadan bû

Li navçeyên Erûh, Kercos û li bajarokê Sitalilê hate piroz kirin. Di newroza 2010an de gelek tiştên nû pêkhatin. Li gelek deveran cejna Newrozê cara yekem bû ku bi girseyî hate piroz kirin.

Li navçeya Sêrt Erûhê, navçeya Batman Kercosê û li bajarokê navçeya Mêrdîn Nisêbin Sitalilê cejna Newrozê bi çêşeke mezin hate piroz kirin. Navçeya Sêrtê Erûhê ku di tekoşina gelê Kurd de cihekî wê yê giring heye îro agirê Newrozê pêxist. Pirozbahiya ku bi hezaran kes tevli bûn zêdebûna jinan bal kişand. Parlamenterê BDPê yê Sêrtê Osman Ozçelik Şaredarê Erûhê Melihan Oktay û Şaredarê Sêrtê Selim Sadak jî di mitingê de her kê axaftinek kirin. Osman Ozçelik axaftina pêşî kir û got agirê tekoşinê pêşî li Erûhê pêketiyê û wê tekoşina aştîyê jî li vir bi serkeve. Piştî axaftinan Koma Folklorê ya NÇMê, Koma Dengê Botan û Bedran Şener derketin ser dikê. Li navçeya Batmanê Kercosê jî pirozbahiya Newrozê pêk hat ê nêzi 2 hezar kesan tê de cih girt. Li bajarokên ser bi Nisêbinê Sitalilê û Kertîwênê jî pirozbahiya bi çêşê hatin.

Gever bi 100 hezarî silav da Amedê

Newroza yekemîn a 2010'an li Geverê bi tevlibûna 100 hezaran dest pê kir. Girse ji taxan bi meşê ber bi qadê ve meşiya. Meşa herî girseyî koma ku ji Bajêrgeh hati, bi pankarta "Herêma Bajêrgehê Newrozê piroz dîke" pêk ani. Bi hezaran kes bi qasî 6 kilometreyan meşiyên û hatin qadê. Ji ber tevlibûna mezin a gel hemû rê li trafikê hatin girtin û di demekî kin de taxên navçeyê bêdeng bûn. Jin, zilam û zarok bi cil û bergiyên neteweyî li qada pirozbahiya rengê baharê dide her derê..



HAWAR NET / NÛÇE Û AGAHÎ
TU LI KÛ BÎ, NÛÇE LI WÊ DERÊ YE
hawarnet.com Kurdî û Kurdistanî

Navneteweyî

Li Frensayê çepgir serê Sarkozyê diêşînin

PARÎS (Pêşketin) : Li Frensayê Sarkozy piştî tekçûna di hilbijartinan de niha bi çalakîyên rû bi rû ye. Bi hezaran fransî li bajarên curbicure vi welatî bi nişana nerazibûna li hemberê siyasetên Ncholas Sarkozy serok komarê Fransayê yê derxistinê bi hezaran karmendên dewletê û reformên dewleta vi welatî xwenîşandan rêxistin. Li gor raporta kanala Franc24, ev meşa tenê rojê piştî guhertinê li dewleta Fransayê û kêmekê piştî şkesta giran a rastgiran li hilbijartinên herêmiye vi welatî bi rê ket.

Li gor raporta kana Franc24, li Parîsê zêde ji 60 hezar karmendên dewletê beşdarê meşê bûn. Li bajarê Bordo ji 30 hezar kes beşdarê meşê û xwenîşandanê bûn, eva li halekê de ye ku li bajarên dine Fransayê ji nerazibûnên berfireh li hemberê siyasetên dewleta vi welatî hatin nişandanê. Gelê Fransayê li dewra duyem a hilbijartinên navçeyî yê vi welatî da, dewleta Sarkozy û bereya pirani a Rastgiranê parlemena vi welatî rasti şkesteke giran anîn. HAWAR NET.com



KURTE NÛÇEYÊN NAVNETEWÊYÎ

Amerîka hewl dide ku Çînê bi fuzeyan dorpêç bike

Li gorî pisporên leşkerî yê DYA û Çînê, DYA Çînê bi mertalên fuzeyan dorpêç dike. Heman tişt berê ji ji aliyê başûrê Ewropayê ve li diji Rûsyayê hatibû kirin, lê ji ber bertekan paşve hatibû kişandin.

Leşkerên Amêrikî ji bo demekî ne dîyar dikarin li Haîtîyê bimînin

Baylozê Amêrikayê li Haîtî Kenneth Merten tekez kir, ku Leşkerên Amêrikî ji bo demekî ne dîyar dikarin li vî giravê Karîbê bimînin. Agahiya han ji aliya ajansa RIA novosti hatiye belav kirin.

6 hezar eskerên Emerîka li Efganistan û Iraqê mirin e

Hate diyar kirin ku ji dema êrişê Amerika ser Efganistanê li sala 2001 û êrişê ser Iraqê li sala 2003 heya niha zêde ji 6 hezar eskerên Amerika jiyana xwe ji dest dane.

Herwiha li gor bilançoya Pentagonê (wezareta parastinê ya Emerîka) zêde ji 31 hezar û 732 eskerên amerîkî ji li şer û pevçûnên nav Iraqê birindar bûne û li Afganistanê ji bi hezaran eskeriyên amerîkî birindar bûne.

Îranî ji qehrên xwe benîştê dicûn

Li gor nûçeyê rojnameya aboriyê ya Farsî Îranî di hefteyê de bi qasê 2 mîlyon dolarî benîştê dicûn. Her wiha hate diyar kirin ku asta çûtina benîştan ji her diçe zêdetir dibe. Li Îranê hejmara kesên benîştêz di nava 4 salan de 100 car zêde bûye.

Tê diyar kirin ku Îran benîştê ji welatên din ithal dike û li Îranê ava kirina febrîqayên benîştê hatiye rojevê.

Delegasyonên Rûsyayê û DYA gihîştin dawiyê amadekirina peymanê START

Derbarê vî yekê da wezirê derva yê Rûsyayê Sergey Lavrov piştî hevdiyana xwe li gel wezîra derva ya DYA Hillari Klinton daxuyanê da. Lavrov got: "Em kêfxweşin ku telimata serokên Rûsyayê û DYA tî pîk anîn. Her du serok bi xwe encamên xebata delegasyonan kontrol dikin. Ji bo zêdetir nûçeyên navneteweyî hawarnet.com

Li Iraqê pevçûna "dengan" mezin dibe



Serokwezîrê Iraqê Nûrî Malîkî gefa vî yekê kiriye ku dê tev karmendên Komîsyona Bilind a Serbixwe ya Hilbijartinên Iraqê bigre.. Listeya Dewleta Yasa ku Nûrî Malîkî serokatiya wê dike daxwaz ji komîsyonê kiriye ku li cihê kampûterê bi dest pêvajoya hejmartina dengên encamê bide, ji ber ku listeya han di vî baweriyê de ye ku data bi awayekî durîst di navenda hejmartina niştîmanî de nehatine tomarkirin.. HAWAR NET.com

Li Efxenîstanê rewş aloz e



KABİL: Berpirseki dewletê li eyaleta Hilmend a Afganistanê ragihand ku di encama pevçûnên li vî eyaletê de 40 militanên Taliban hatine kuştinê. Serokdewletê Afganistanê Hamîd Karzai, li paytext Qabilê bi nûnerên Hezb-e-Islamî ya ku di bin serkêşîya Hikmetyar de diji rejîmê şerê çekdarî dike, bo çareserîya pîrsgirêkê ku "plana aşîyê" dest pê bike, gawek avêt. Vî komê, li rojhilat û bakurê Afganistanê li diji leşkerên NATO û Afgan şer kiribû.. HAWAR NET.com

HAWAR NET.com

kurdistan amed duhok
zanyar zaxo mirdin batman hewlêr sine agirî xaneqîn
cizir erxeni erin wan colêmerg mehabad riha erdîş bedlîs
sêrt şîrnex silêmanî nûçe idir qamişlo
kerkûk

washington cihan
stembol tarrin paris van qudûs tokyo tel avîs
aktuel bruksal tohran bûyer teknoloji
çand zanist ziman huner
rojev medya şîrove

zanîn xwe nasîn e...

HAWAR NET

hawarnet.com

Obama serkeftina xwe ya pêşî bi dest xist

Ev reforma girîng 40 sale nedihat kirin

(Pêşketin): Civata Nûneran ya Kongrêya Emerîkî bi cîyawaziyeka kêr bernivîsa qanûna reform kirina sistema tenduristiyê pejiwand. Li gor reformê êdî li DYE dê herkes bibin xwediyê sigortayê tenduristiyê. Obama û rayedarên mezin yê qesra Sîpî xweşhaliya xwe biramberî pejiwandina reforma saxlemî diyar kirin. Civata Nûneran, ya kontrol kirî ji layê Demokaratan ve, bi 219 biramber 212 dengan reforma saxlemî pejiwand. Hemi endamên Partiya Komarî û 34 Demokrat deng diji wê bernivîsê dan. 216 deng pêdivî bûn ji bo pejiwandina wê bernivîsê. Dengdan û pejiwandina reforma saxlemî serkeftineka mezin bû ji bo yek ji pirsên herî girîng yê karnama serok Obama. HAWAR.NET.com



Îsraîl di meseleya Qudîsê de paşve gav navêje

Îsraîl û DYE li ser pîrsa berdewamkirina avakirina xaniyan li rojhilata Qudîsê li hev ne kirin. Ew zanyarî ji alîya sekreterê çapemeniya hukûmetê Îsraîlê Mark Rêgêv hat ragihandin. Mark Rêgêv daxuyaniya nûnerê serokwezîrê Îsraîlê Benyamîn Netenyahû Nîra Hêfêz wisa şîrove kir. Berê hin dezgehên çapemeniya rojava ragihandibûn, ku Îsraîl û DAY li ser avakirina xaniyan li rojhilata Qudîsê li hev kirine. Regev destnîşan kir, ku Hêfêz bi girani li ser helwesta Îsraîlê sekiniye û ji ber wê yekê ji nîrêna giştî rêkûpêk destnîşan ne kiriye. Çawa ku tê zanîn di meha Adarê da rêveberên Îsraîlê ragihandin, li rojhilata Qudîsê wê zêdetir ji 1500 xaniyan ava bikin. Ew beşa bajêr di sala 1967-an de ji alîya Îsraîlê hatiye dagir kirin, lê belê Felestîni rîjhilata Qudîsê weki paytexta dewleta xwe ya nepejiwandî dihesibînin. Û piraniya dewletên cîhanê dagirkirina wan erdan ji alîya Îsraîlê napejiwandî.

Zingilên şer lêdide; Gelo întîfadaya sêyemîn destpêdike

Bi avakirina wargehên nû li Qudîsê pêvajoya aştiyê xetimî û banga întîfadeyeke nû tê kirin.

(Pêşketin): Li Qudîsê pevçûn ji nû ve gûr dibin. Biryara avakirina wargehên nû li rojhilata navin alarîna şerê nû dide. Serok Wezîrê Îsraîlê Binyamîn Natanyaho diyar ku ew dê avakirina wargehên nû bidomînin. Di şerê Ereb u Îsraîlê da li sala 1967 Israîlê rojhilata Qudîsê dagir kir û piştî himgî gehanda xwe. Desthilata Felestîni imkana nû diyalogê bi Îsraîl re ret kir û vejandina diyalogê bi rawestandina avadanê liser qadên felestîni yê dagirgîrê ve girêda. Ev yek Yasir Ebîd Rebo sekretêrê komîta navendî ya tevgera rizgariya Felerstîne û bêjedarê bi navê

serokê Delestîne Nebîl abû Rûdîn ragihandin. Mesele ewe, ku berî nûha axavtin bi taybetî liser cemidandina proseya avadanê dihate kirin. Weke dihate gotin Natanyaho ji qebûl kiribû, ku avadan bête rawestandî. Lê ji nişkave ev pêngav hate avêtin, zêde ji wê Îsraîl ev helwest nîşan da dema, ku cigirê serokê Emerîka Bayden li Îsraîl bû, loma ev pêngava Îsraîl minaka bangewaziyekê dijê pêkolên çareserkirina pîrsgîrêkê tê nîrxandin... HAWAR.NET.com

Ji ber skandalên seksê dêr vala bûn...

Cîhana Xiristiyanan bi skandalan dihêje

(Pêşketin): Di encama skandalên seksê li Dêrên Avusturya, Elmanya, Brezilya û Îtalya'yê de bi hezaran kes navên xwe ji wan qeydên dêran derxistin. Tê diyar kirin ku her meh nêzî 5000 hezar kes ji dêran vediqetin. Tê payîn ku dev ji berdana endamtiya dêran dikare berdewam bike.

Ji bo zêdetir nûçeyên navneteweyî hawarnet.com

20 welat ku di cîhanê de tevkujiya ermeniya bi awayê fermî qebûl dikin

Rêxistinên ermeni ketin nav liv û lebatê ku pêşnûmehiryara tevkujiya ermeniyên di parlamentoyê Îspanya û Îngilistanê de ji bidin qebûl kirin. Li Îngilistanê komisyoneke ku ji 12 parlamenteran pêk tê hat avakirin. Dê ev komîsyon li ser daxwaza qebûlkirina tevkujiya ermeniyên ya roja 24'ê nîsanê hûr bibe. Komîsyonê yekemîn car e ku li Îngilistanê di serê meha çileyê isal de girt dest. Duyemîn car derbaskirina di ber çav re dê dawîya wê mehê pêk bibe.

Êrişkarên xwe kuştinê li Kandaharê dan: 30 kuştî

Li başûrê Afganistanê Kandaharê 4 êrişên bombekari yê xwe kuştinê pêk hatin. Hate ragihandin ku, di êrişan de herî kêr 30 kes hatine kuştin û ji 40 zêdetir ji birindar hene. Li gorî nûçeya BBC'yê, teqîna yekem saet 15:30'ê gori saeta cîhanî rûda. Li gorî agahiyên ku polisên Afganistanê dane, êrişan girtixaneyek, mizgeftêk, otêlek û cihê bazarê hedef girtiye.

Li Rûsyayê her sal li dora 100 hezar mayîn tene bê bandorkirin

Serokê navenda xwendegêha muhendîsiyê ya Hêzên Leşkerî ya Rûsya Federal serhîng Vasiliy Kondratûk ragihand, ku li Rûsyayê her sal li dora 100 hezar mayîn tene bê bandorkirin yê di dema Şerê Cîhanê yê Duyemîn ya salên 1941-1945'an li meydana şer da hatibûne çandin.

Di KURDO de her tîşt li ber destê te ye...

Ename, sohbet, listik nûçe, video, kêf, agahî û zêdetir...



Zanist û Teknolojî

Pevçûna jin û mêr mirov nexweş dike...

AMED (Pêşketin)

Derket holê ku zewaca nebextewar, pêwendiyên xirab yên di navbera jin û mêr de mirov nexweş dike..

Li gor lêkolinan rê liber derketina proteinek xwîne digire ku di çareserkerina stres û başbûna birinan de roleki taybet dilize. Di xebata laboratuare de zanyaran liser milên hin kesan birinên biavî çêkirin û tesbitkirin ku birinên jin û mêrên ku pevdiçin ji yên li hevdu derengtir rehet dibin.

Li gor lêkolina ku di kovara "Archives of General Psychiatry" de hat weşandin, "zewaceke bi gelş ne mimkune ku mirov bê stres bihêle". Di pêwendiyên wiha de hucreyên xwîne yên sipî çêbûna "proinflatuar" asteng dikin ku di tedawiya birinan de ji % 60 rolekê dilize.


HAWAR NET.com



Kesayetiya şizofrenîk nexweşiyê çawa ye?

Kesayetiya şizofrenîk yek ji cureyên kesayetiyan nexweşiyê ye. Tabloya gelek nexweşiyên psikolojîk e. Di raman û tevgerê de bêwateyi, kêmketina têkiliyên rojane, di axavtinê de dijwari, têkçûna jiyana sosyal, jarketina laş hwd ji simptomên wê ne. Kesayetiya şizofrenîk nişaneyên gelek nexweşyan e, divê li klinikên were tedawîkirin..

Destê ku veqete dikare ji nû ve derkeve!



AMED (Pêşketin): Derket holê ku gena bi navê P21 ji nû derketina lebatan asteng dike.

Eger gen were sekinandin dikare lebatên ku jê dibin ji nû ve derkevin. Zanyaran mişkeke ku genekê wê hatiye derxistin de ditin ku lebatên mişkê xwe nû dikin. Bi avayekî teorîk be ji heman tişt dikare di mirovan de jî pêk were.

Wek tê zanin hin hewyanên wek gûmgûmok dikarin dût (boçik) ên xwe yên jê bûyi ji nû ve derxin.

HAWAR NET.com

Cixare depoya bakteriyên nexweşiyê ye

Encama lêkolîneke dawî nişan dide ku li cixarê de bakteriyên curbicur ji wan hin bakteriyên nexweşiyê li mirovan de hene.

Lêkolêrên tenduristiya jingehê yên zaningeha Îrlandê û yên navenda lêkolîne a Liyona Fransayê gihiştine ve encamê ku cigare bi xwe çavkaniya rasterast a veguhestina civateke berfireh a mikrobên nexweşiyê di nava cixarekşan û her wiha wan kesan de ye ku li ber dükela cixarê disekin.



Kanser êdî sedema sereke ya zû mirinê ye

AMED (Pêşketin): Belav bûna kanserê ditirsine..Her çiqas têkoşina hemberî kanserê zêde bûbe jî tê diyar kirin ku êdî kanser di nava nexweşyan de bûye sedema sereke ya mirinê. Pişpor diyar dikin ku gûherina şertên jiyane, jiyana bê hereket, xwarina xirab û pir bûna nifûsê zêde bûna kanserê yanî pêncşêrê jî zêde dike. Her wiha pişpor diyar dikin ku her sal herî kêm 100 hezar kes jî ber qelew bûnê dibin kanser.

Texmîn raste; Dînazor jî ber asteroîdê mirin e

Texmîna asteroîdê rast derket. Hate diyar kirin ku beriya 65 milyon salan Dînazor jî aliyê asteroîdeke pir mezin hate jî holê rakirin. Li gor lêkolîna zanyaran asteroîdê ku serdema Kretase-Tersiyer de li cihanê qelibiyê jî bombe atoman milyar car zêdetir bihêztir bûye. Li gor lêkolîne piştî qelibîna asteroîdê cihan jî ber tozên rabûne pir sar bû û di nava çend rojan de nivê çûreyên heywanan jî holê rabûn..

Jin ji rexneyan û jibîrbûnê hez nakin

Ji jibîrkirinê eciz dibin. Jin dizane ew heq nake ku bê jibîrkirin.

Li gor lêkolîna kovereke psikolojiyê derket holê ku jin herî zêde ji jibîrkirina ji aliyê mêrên xwe ve ecizin. Li gor lêkolîne tê diyar kirin ku jin bi qedreki kêm qimê nayne, jin naxwazin ku his û hestên wê liser guh bê avêtin. Divê jin xwe li mala xwe wek karkerekê his neke.

Ji aliyê malbata mêr nabe ku jin tenê wek bûk bê qimêtkirin. Mêr divê di pêwendiyên cinsi de jibîr neke ku ew ne bi tena serê xwe ye. Her wiha jin jî rexneyên zêde hez nakin. Bila haya we hebe. HAWAR NET.com



Ji bo jîndariya goştên ser neynûkan

Amadekirina losyona neynûkan...Niv kevçiyê şêranî sihik.. Zerdika hêkekê. Kevçiyêke ava ananase

Malzemeyan baş tev bidin, serê tiliyên xwe niv saetê di vîlosyomê de bihelin.

Dê goştê ser neynûkên we jîndar û saxlem bibin.



Robota pêşîn a xwedî îskelet; Kojiro

Robot hêdi hêdi dişibin mirovan. Kojiro ku xwedî îstekela wek morivan e dikare endam û lebatên xwe dikare wek mirovan hereket bike. Kojiro ser îstkelata xwe dikare wek mirovan tevbigre û endamên xwe yên wek dest, pê, qirik û çimên xwe hereket bike..

weşanên nûçe - rojname - tv - kovar - radyo

Hemû linkên ji medyaya Kurdî.

Cihê we yê destpêkê!

Bixwînin - Zindî Temaşê û Gûhdarî bikin

medyayakurdi.com

Alice in Wonderland bi avayekî 3D we dibe nav mûcîzeyan

AMED (Pêşketin)

Alice in Wonderland yari bi kurdî Alice Li Mucizeîstanê filmeke ji nû hattîye kişandin e. Alice Li Mucizeîstanê romaneke zarokan e ku di sala 1895'an hatiye nivisan û careke din digehêje bi temşavanên sinemayê.

Alice (Alis) dide pêy kivroşekê û xwe li welatê mûcîzeyan de dibîne. Di nava kesên ku Alice'ê li Mucizeîstanê pêşwazi dikin de bi rola Mad Hatter Johnny Depp ji heye. Her wihha Anna Hatawy ku di sala 2009'an de wek berendamê Oscarê hatibû destnîşan kirin ji cih digre. Filmeke bikêf e û hin dikarin bi malabtî biçin vê filmê. Film bi teknîka d hatiye kişandin.

Nasname

Cure : Fantastik / Zarok / Malbat

Dema Nişandana li Cihanê : 5 Adar 2010

Derhêner: Tim Burton

Senaryo : Linda Woolverton , Lewis Carroll (Pirtûk)

Görüntü Yönetmeni : Dariusz Wolski

Çêker: 2010, DYE

Listikvan

Mia Wasikowska (Alice) , Johnny Depp (The Mad Hatter) , Helena Bonham Carter (The Red Queen) , Alan Rickman (The Caterpillar) , Michael Sheen (The White Rabbit) , Crispin Glover SINEMAKURD



Di roja şanoyan de li Amedê listik bê pere ne

Şanoya Bajêr ya Şaredariya Bajarê Mezin a Diyarbekirê (DBŞT), wê di 27'ê Adarê Roja Şanoyan a Cihanê de listika zarokan a bi navê Çiya Gihîşt Behrê û Çirokek Zivistanê bê pere bilize...

Derhênerê Hunerê yê Giştî yê DBŞT'ê Ruknetin Gun got ku di 27'ê Adarê Roja Şanoyan a Cihanê de Enstituya Şanoyê ya Navneteweyî Danezana Şanoyê ya 2010'an bi şanogereki daye amadekirin wê berî listikê bi tirkî û kurdî bixwinin. Gun da zanin ku 27 Adarê roja şemiyê de saet di

11:00'an de listika zarokan a Çiya Gihîşt Behrê û saet di 15'an de ji listika Çirokek Zivistanê wê bê pere bilizin.

Gun got ku wê berî listika zarokan Danezana Şanoyê ku wê bixwinin ji bo zarokan hineki zelal bikin.

Gun diyar kir ku di 27'ê Adarê Roja Şanoyan a Cihanê de pirsgirêkên ku dijin ji tén rojevê û got; "em ê ji hewl bidin ku pirsgirêkên şanoya kurmancî bidin zanin." Gun diyar kir ku tevahiya şanoyan pirsgirêkan diji lê şanoya kurmancî pirsgirêkên ji van cihê û girantir diji û got ku çavkaniya van pirsgirêkan ji ber ku şanoya kurmancî meşrû û wekhev nayê ditin pêk tén. .

Qubadî xelata festîvala Meyame bi dest xist



Filma "kes haydarê pişikên Îranî nîn e", ya derhênerê kurd Behmen Qubadî, xelata festîvala navdewletî ya Meyame ya Dewletên Yekbûyî yên Amerîkarê bi dest anî. Bahman Ghobadi, Bahman Ghobadi Filma "kes haydarê pişikên Îranî nîn e", berhema dawiyê

ya sinemakarê kurd Behmen Qubadî ye ku di festîvala navdewletî ya Meyame de, xelata baştirin filma festîvalê bi dest anî. Di vê festîvalê de ku 27'emîn xula wê bû, 115 filmên sinemakarên cihanî di 45 beşên cuda de hatin nişandan, filma kes haydarê pişikên Îranî nîn e ya Behmen Qubadî ji di 3 sansên cuda yên festîvalê de hate nişandan û ji hêla bîneran ve pêşwazi lê hate kirin.

Di cîhana mûzîkê de herî zêde U2 qezenc dike



AMED (Pêşketin): Stranbêjên ku li gor mafên weşanê, turne, firotina cd û stranên herî zêde qezenc bi dest dixin hate diyar kirin. Li gor vê lêkolînê koma U2 bi 108 mîlyon dolarê bû yekemîn.

Her wiha 57 û 47 mîlyon dolarî Bruce Springsteen û Madonna ji bûn dîyemîn û sêyemîn. Bi 43 mîlyon dolarî ji Britney Spears bû çaremîn.

Pirtûka Arjen Arî 'Bîhoka pişt sînor' derket

AMED (Pêşketin): Her roj pirtûkeke nû ya bi kurdî li refikên pirtûkxaneyan zêde dibe, vê carê jî, pirtûka çirok-serhati ya Arjen Arî di nav refikan de cih girt. Pirtûka Arjen Arî 'Bîhoka pişt sînor' ji 120 rûpelan durist dibe û tê de ji kaniya kelepora kurdî bigire heta bi serhatiyên Arî, bi zimanekî nerm î rewan hatiye honandin, ji Weşanxaneyê Avestayê ku li bajarê Îstanbulê weşanên xwe bi kurdî-tirkî dike, derket. Berpîrsên weşanxaneyê di beşa nasandina pirtûkê de bal kişandiye ser ziman û şewaza Arî û cih daye van gotinan: "Dirêj an jî kurt, her jiyin li dev xwediyê xwe xwediyê xwe û çirokekê ye. Dîkeki min hebû ku her sihar bi hilatîna spêdeyê re li hewşê dikir qûqû... qûqû, û pireke min, ku her êvar ji serboriya xwe ya tîr karesat qetek jê bi çiroki vedigot! Her ku min li çiroka pîrê guh didêra, li bendî bûm ku ne çiroka xwe, çiroka Diko vebêje ji min re... Lê wê; heçku bixwaze min ji bike şirikê serboriyên xwe, hercar guhkê buxçika êşa xwe bi vê peyvê vedikir: Xwedê heqê me nehêle, kurrê min... Ji ber heq û neheqiyê bû gelo, min ji çiroka Diko û Pîrê hez dikir?"

-Arjen Arî

Sala 1956'an li herêma Omeriya, li gundê Çalê hatiye dinyayê. Di sala 1979'an de Enstituya Perwerdeyî ya Diyarbekirê Beşa Zimanê Tirkî qedand.

Berhemên Arjen Arî ev in:

Ramûsan min veşartin li geliyeki, Şîr, Avesta, 2000

Ev çiya rûspî ne, Şîr, Avesta, 2002

Destana Kawa, Şîr, Weşanên Elma, 2003

Eroûtika, Şîr, Weşanên Lis, 2006

Bakûrê Helbestê/Antolojiya Helbesta Bakûr, Wş.Y.N.Kurd, Duhok, 2007

Çil Çarîn, Şîr, Wş.Ens.Kurdî ya Amedê, 2008

Şergele, Şîr, Avesta, 2008

Ji bo pêşarojê texmînên herî "şaş"

AMED (Pêşketin): Di dirokê gellek kesên tégihêştî gellek texmînên ne rast jî kirin e.

Ji wana çend minak;

"Pêşeroja radyoyê nîne"
Lord Kevin - Zanyarê Fizikê

"Êdî tu tiştê ku were îcad kirin nema"
Charles H. Duell - Serokê Enstituya Patentê ya Emerika (1899)

"Otomobîl heweseke demîye, wê hesp her tim were bikaranîn"
Midureke benqayê ku li hemberî daxwaza krediyê ya Henry Ford gotiye

"Balafir pêleystokên xweşin lê tu giringiya wan ên leşkerî nîne"
Mareşal Ferdinand Foch, Di dema şerê cihanê a yekemîn de Serfermîndarê artêşa Fransayê (1911)

"Televîzyon herî dereng dê di nava 6 mehan de ji holê rabin"
Daryik F. Zanuck - Serokê Twenty Century Fox(1944)

"Giraniya kompîteran dibe ku di pêşarojê de tenê 1,5 ton be"
Kovara Popular Mechanics - (1949)

"Ez sedemek nabînim ku mirov kompîteran bigrin mala xwe."
Kenneth Olsen, Serokê şirketa kompîterê a Digital Equipment Corp.ê (1977).



Derdê rojnamevanan memikên jina Sarkozy ye

Xanima yekemîn ya Fransa Carla her mehê çend caran skandalekê derdixîne û cihana magazinê bi xwe re mijûl dike

Serkozy ku xwe fêrî wan skandalan kiriye, ji ber vê yekê serê xwe qet bi wan nûçeyan re naêşîne. Berî demekê sûretên wê yên erotik di medyayê de bûne manşet. Skandala dawiyê jî memikên wî bûn. Di civîneke xwarinê de ku li ser şerefa serokê Rusya Medvedev hatibû dayîn, jina Sarkozy Carla Bruni, sutyen li xwe nekirin.

Lixwenekirina sutyenan di heman rojê de, di bultenên nûçeyan de bûne manşet. Bruni kincên teng li xwe kiribûn, ji ber ku sutyen li wê tune bûn, memikên wê di bin kincên teng de xuya dikirin. Ev dimen bala peyamnêr û fotografan dikişîne, li ser vê yekê yek ji mezintirîn rojnameyên inglîzî Times pirs kir: „Lazim bû ku Bruni sutyen li xwekiriba?“ Rûdaw

Raxisteka UEFA'yê 10 hezar kes gerî

AMED (Pêşketin): Di çarçoveya projeyên Paytexta Kulturê yê Ewropayê yê Sala 2010'ê ya İstanbulê Raxisteka Futbolê bi navê "Only a Game" ya UEFA'yê (Union of European Football Associations – Yekitiya Federasyonên Futbolê yên Ewropayê) jî hêla 10 hezar kesan ve hate ziyaretkirin. Raxistek heta 30'ê Avrêla 2010'ê li Galeriya Hunerê ya Komarê ya Taksîmê wê vekirî bimîne û di çarçoveya raxistekê de Kupaya Ewropayê û Kupaya Serkeftiyên Kupayê ya UEFA'yê

jî tê nişan dayîn û biranînên 50 salên dawî tîrên ber futbolhezan. Raxistek di meha reşemiyê de bi hevkarîya Şaredariya İstanbulê û Federasyona Futbolê ya Tirkîyeyê hate vekirin û di raxistekê de parçeyên taybet ên Beşiktaş, Galatasaray û Fenerbahçeyê hene. Raxisteka Futbolê ya UEFA'yê ya bi navê "Only a Game – Tenê Lîstîkek e" li gel ronahî kirina 50 salên futbolê centilmentîya futbolê jî dixwaze bide ciwanan û bo xwendekar û mamosteyan belaş e.

Riyên Dêrikê tîr çêkirin

MÊRDÎN: Şaredariya Dêrikê di çarçoveya xebatên xwe de, dest bi xebatên çêkirina riyan kir û hemû riyên Dêrikê dê bi kevîrên parke bîr raxistin.

Şaredariya Dêrikê ya Mêrdînê di serê salê starta xebatên xwe yê dema nû dan. Di bernameya xebatê gelek faliyet cih digirin. Bername bîr navber didome. Di çarçoveya bernameya xebatê de herî dawî li taxên wekî Cevizpinar û Kuçukpinarê xebatên raxistina riyan hate dest pê kirin.

Şaredara Dêrikê Çağlar Demirel der barê xebatê de nêrînen xwe anîn ziman û diyar kir ku pirsigrêkên sereke yên navçeyê yên wekî av, rê, binesazî û her wekê din xebatên wan bîr navber dimeşin û got ku dê îsal giraniyê zêdetir bidin ser van xebatan. Demirel di berdewamiya axaftina xwe de wiha got: "Me li 8 taxan bi gel re civin pêk anîn. Di encama civinana de me dest bi xebatên xwe kirin. Di bi şertên zehmet de me bi piştgiriya gelê xwe re xebatên xwe meşandin û dê di demeke nêz de bi dawî bibin."

Melhema parastina destan

Kevçiyek rûnê behîvan, zerdikên du hêkan, kevçiyekî şêrani kîl. Malzemeyan heta ku bibin mîna melhemê tev bidin. Di sarkerê de bîhêlin.

Her ku lazîm bû, di destên xwe bidin. Melhem, wê cildê destê we piparêze.



EGER TU KURD Î...

Û TU NAXWAZÎ BINEST BİMÎNÎ, TU NAXWAZÎ ZMANÊ KURDÎ Û MÎLETÊ KURD TUNE BİMÎNÎ...

BI DAXWAZNAMEYAN, BI MEŞAN, BI BOYKOTAN, BI ÇALAKÎYAN, BI NEÇÛNA DIBISTAN Û KARGEHÊ, BI DOZ VEKIRINÊ...

PERWERDEYA BI KURDÎ BIXWAZE!

JI BO REKLAM Û ÎLANÊN WE

Hûn dikarin di Pêşketin, HAWAR NET.com an jî weşanên din ên koma HAWAR de reklam û îlanên xwe bi nirxa herî gûncaw biweşînin.

têkîlî agahi@hawarnet.com